



教授胡君墓誌銘

君諱禹冀字載川太平府儒學教

授自余

有知識

見朋齒中背面皆稱胡先生嘗至姑孰憇君亭館君適他出往來嬉遊者皆曰胡公賢者也雖兒童

女婦亦然夫天下之最難賢者人情而細人又甚

焉而君之所得於衆人者如此異矣余遊四方未

得時見君曾以事接談嬉無甚異人厥後亡兄百

川授經姑孰踰年歸曰胡公賢者也口未嘗言學

而叩以六經子史輿蹟衆人所難明者能記辯之

望溪集

墓誌

全

因就習於君者而考其行乃知君自成童以後屢

勉於人道六十餘年未嘗有出入也君以順治乙

酉舉於鄉至康熙乙酉始自姑孰告歸重見鄉後

進之歌鹿鳴者人爭羨之以謂前輩登科後甲子

復一周者獨嘉靖中石城許公而君卽許公彌甥

也君之生也未嘗有疾病憂患終日熙熙踰八十

食飲行步如平時君生於明天啓丙寅余每見與

君同時人其形貌辭氣必篤於後生遭遇多坦夷

康樂蓋方是時明運雖衰而太祖立國之規模遠

迹。三。代。其。教。化。之。通。乎。陰。陽。而。凝。聚。於。萬。物。者。厚。  
矣。董。子。所。謂。陶。冶。而。成。之。者。是。也。君。先。世。蘇。州。人。  
洪。武。初。遷。金。陵。世。多。潛。德。考。諱。某。妣。某。氏。兄。弟。六。  
人。君。伯。也。壽。八。十。有。二。卒。以。  
大。清。康。熙。丁。亥。十。二。月。妻。某。氏。子。某。以。某。年。某。月。  
某。日。葬。於。某。鄉。某。原。銘。曰。  
謂。俗。蓋。陂。而。遇。君。則。甚。平。謂。天。不。可。知。而。賦。君。者。  
獨。貞。先。民。有。躅。於。君。猶。徵。

望溪集

墓誌

全六

張樸村墓誌銘

君諱雲章字漢瞻號樸村江南嘉定人也曩者崑山徐司寇好文術以得士爲名自海內耆舊以及鄉里樸學雍庠才俊有不能致則心耻之而士亦以此附焉余初至京師所見司寇之客十八九其務進取者多矜文藻馳逐聲氣卽二三老宿亦爭立崖岸相鎮以名惟君處其間歛然靜默體恭而氣和余心異之而君亦暱就余君始以校勘宋元經解客司寇家其後諸公貴人考訂文史必以相望溪集 墓誌 屬而君嘗就陸稼書先生問學獨陰以名義自砥方稼書先生爲當路所排君上書崑山相國其後儀封張中丞與江督噶禮互劾奏讞久未決君上書安溪相國在君見謂義不可以苟止而以言之不與爲衆所哈君在舉場數十年所與比肩游好次第登要津司貢舉每欲引手君輒曲避以是終無所遇康熙五十二年

聖祖皇帝詔求巖穴之士九卿公舉九人下江蘇巡撫徵君君旣至而首輔安溪公適告歸事暫寢

華亭王司空承修尚書奏君參校書既成而君淹留逾時衆以爲疑余問詰其所以然君曰假予急功利乃佗條到今耶顧竊自念生逢

明聖平生所志具上殿劄子欲進見時一自列之耳既出京會儀封公總督倉塲留主潞河書院又逾年然後歸

今皇帝嗣位詔舉孝廉方正江蘇布政使鄂公以君爲舉首君老不能行再書辭大江以南遂無列薦者君內行飭修遭母喪既禫子孫請少進肉洎

望溪集

墓誌

卷六

君固不肯時年六十矣將終語不及私慨然曰吾生獨君臣義缺命也夫君父諱某邑庠生母李氏妊君得夢祥以順治戊子九月十四日生卒以雍正丙午七月朔後三日享年七十有九有樸村集二十卷行世乙未以後文集若干卷南北史摘要詠南北史詩藏於家妻李氏與君同庚姑歿羣叔皆幼撫育有恩以康熙辛丑九月卒葬今寶山縣橫港君以雍正丁未十二月朔後二日合葬男四人體方太學生直方未冠好學工書從君卒於京

帥余親弔哭靖方業儒揆方康熙丁酉舉人女  
人孫四人銘曰

歛其容志則強居雖蔽聞旣彰身壽耆嗣衍昌歸  
幽墟宜樂康

望溪集

墓誌

公九

劉紫函墓誌銘

康熙丁酉冬十有一月余自塞上返聞山陽劉紫函歿以正月望後九日踰九月矣丁卯戊辰間公卿中有以收召後進爲名者於是諸生皆尚聲華急于謁其務質行學修聞彰而閉戶絕交遊者二人一無錫劉齊言潔一紫函也太學嘗取高等生教習官學生二人並與焉期滿試吏部皆見絀於時吏部主此者負惡聲而二人名重士友間余至京師與言潔善因以得紫函歸過淮陰館其家時

望溪集

墓誌

卒

紫函之父行人叔父吏部皆歸休長者肅客紫函率羣季更侍左右冠者成童總角誦讀聲鏗然僮僕執事皆暇以恭一室之內薰然成和無一事不得其理者劉氏大功不異財自行人吏部當官及退休家事一任紫函其親屬子姓男婦內外宗近百人數十年無間言余嘗私叩羣季皆曰此吾伯兄誠意所貫注也紫函貌魁傑精魄盛強自喪季弟未數月而頽如老翁以余所見居兄弟之喪色稱情貌稱服者惟北平王源崑繩而崑繩時客遊

起居飲食多不得自遂紫函家居一如禮經再朞  
後辭氣戚容尚有異於人人乙未之冬其弟長籛  
復卒於長寧余聞之卽爲紫函憂無何以書來使  
其子代書而手注其後則卧疾已數月矣蓋自是  
未少間也憶辛未余在京師共學者數人惟余最  
少十餘年來次第凋喪至紫函歿而兄事肩隨者  
幾盡矣乃流涕爲銘以歸其孤其世繫享年葬地  
月日俾自舉之銘曰

自閉於時衆所愕安步周行志卓踔我最其行辭

望溪集

墓誌

左

不作所得孰多試省度



陳依宣墓誌銘

昔吾友新安程若韓流寓邗上余往來淮南必過焉數稱陳君依宣偕過余與之交泊如也久之命子夢文從余遊及余邁難吾友古塘隨部檄將余妻子北徙至邗資用絕君曲爲營畫俾得達淮泗自是歲時必通書致服用物十餘年不倦雍正二年余得假歸葬杪冬及春兩過君君老而弱足久閉特室不接賓客聞余至甚喜命夢文引入促坐語不能任其聲而固止余淹留竟日余旣悲君衰望溪集 墓誌

全

疲又喜君得自休息從容養怡可以永年也及余返京師踰年而得君之凶問又數日古塘之訃繼至嗚呼古塘沒而余少小同志趣之友無一存者矣君沒而中歲以質行相取者亦幾盡矣乃因唐編修范山通書以弔夢文旣而夢文以狀來曰先子之行有狀不能載者吾舅范山先生當口之蓋君之事其親於古禮經所云幾可以無愧而自致於其兄尤有爲俗情所難者噫觀君之所以交於余者則若韓范山之所稱其信君諱新楷揚州江

都人世爲儒家教授數十年生徒半庠序多登甲  
乙科而君卒不第享年七十有一妻唐氏子夢文  
雍正元年舉於鄉女三人皆歸士族以某年月日  
葬於某鄉某原銘曰

學以得其明行無恨於躬爭時者叱其遇而知德  
者見爲豐我言無飾以奠幽宮

望溪集

墓誌

左

東馭虛墓誌銘

君諱典字馭虛京師人性豪宕喜聲色狗馬爲富  
貴容而不樂仕宦少好方無所不通而獨以治疫  
爲名疫者聞君來視卽自慶不死京師每歲大疫  
自春之暮至於秋不已康熙辛未余遊京師僕某  
遭疫君命帚冰以大罍貯之使縱飲須臾盡及夕  
和藥下之汗雨注遂愈余問之君曰是非醫者所  
知也此地人畜駢闐食腥羶家無溷匱汗溲彌溝  
衢而城河久堙無廣川大壑以流其惡方春時地

望溪集

墓誌

卷

氣憤盈上達淫雨汎溢炎陽蒸之○中人膈臆困○  
愆蓄而爲厲疫冰氣厲而下滲非此不足以殺其  
惡故古者藏冰用於賓食喪祭而老疾亦受之民  
無厲疾吾師其遺意也余嘗造君見諸勢家敦迫  
之使麀至使者稽首階下君伏几呻吟固却之退  
而嘻曰若生有害於人死有益於人吾何視爲君  
與貴人交必狎侮出媢語相訾警諸公意不堪然  
獨良其方無可如何余得交於君因大理高公公  
親疾召君不時至獨余召之夕聞未嘗至以朝也

君家日饒益每出從騎十餘飲酒歌舞旬月費千金或勸君謀仕君曰吾日活數十百人若以官廢醫是吾日殺數十百人也諸勢家積怨日久謀曰陳君樂縱逸當以官爲維婁可時呼而至也因使太醫院檄取爲醫士君遂稱疾篤飲酒近女數月竟死君之杜門不出也余將東歸走別君君曰吾踰歲當死不復見公矣公知吾謹事公意乎吾非醫者惟公能傳之幸爲我德乙亥余復至京師君榷果建遺命必得余文以葬余應之而未暇以爲望溪集

墓誌

左

又踰年客淮南始爲文以歸其孤君生於順治某年某月某日卒於康熙某年某月某日妻某氏子某銘曰

義從古迹戾世隱於方尙其志一憤以死避權勢胡君之心與人異

鄭友白墓誌銘

有客手一帙不介而造余入自賓階揖而告之曰  
凡抱其業而叩吾廬者皆雷同炫燿欲余爲諛佞  
之言以助之者也其果能取名致官者蓋鮮而奔  
走疲亡者接跡焉願君毋效也客曰先生之言良  
是而吾非爲此來也吾叔父獲教於先生而以道  
自繩削方得其階而願進也而今死矣其親隱焉  
願得先生之文以奠幽宮某所持者某與同學哀  
之之辭也問其名居則涇縣鄭生友白之族子天

望溪集

墓誌

卷

一也初友白亦不介而造余告之如所以告天一  
者曰吾非爲此來也吾居深山見先生之文類有  
道者以爲近其人將有得焉余聞其親老責而歸  
之踰歲復至將見王君崑繩於京師曰是吾親之  
志也至京師數月竟歸歸踰年而卒嗟乎友白其  
果能有立與否雖不可知然其齒甚少乃能以謀  
道爲先而汲汲於師與友可不謂之有志者與自  
功利之學漸於人心之幽隱凡汲汲於利與名者  
其父兄師友皆以爲道之當然舍此而學與道之

是謀鮮不以爲怪民。而料其無成者。而果爲不祥。若此。無惑乎其去於此者。決而信於彼者。堅也。吾觀東漢北宋士之有志行者。隨其才分之小大。莫不各有所就以顯於時。而余耳目所及。志稍異於衆人。往往鬱不得伸。甚者不終其天年。而中道夭。豈造物乃與庸庸者同心。而不樂成人之美。與而汲汲於利與名者。又往往所欲而必從。所求而必遂。豈各有所乘之氣。而不可強與。遂書之以慰其親。兼示崑繩。其有以發我也。友白名青蓮。卒於康熙某年某月某日。年二十有五。妻某氏。子某。葬於某鄉某原。銘曰。

望溪集

墓誌

卷七

學中道而未殖。志歿地而長賚。君母悔於過計。使昏庸而天札。豈復留吾人之涕洟。

胡右隣墓誌銘

胡生蛟齡自成進士問學於余卽以其父右隣誌銘爲請生自翰林出爲縣令其兄蜚往來京師及歲時通書必以爲言按君之狀蓋自檢飭不苟於言動人也而竟世爲諸生教授宗族里黨間無傑特之行可紀述者余平生非親懿久故未嘗爲銘幽之文蓋銘者諡誄之遺也古者必貴而賢始有誄而諡則雖君父不敢有私焉若於素不相識之人而與之銘設實悖於所稱是讐言也於吾爲贅行矣故常以爲戒而於生徒朋好不可以終却者則必多方以求其微胡氏自元明以來爲涇縣大族入

望溪集

墓誌

卷

國朝科名尤盛而宣歙間士友語力學敦行者必及右隣其窶艱而篤於友行族姍所述尤詳余嘗歎人紀之衰所尤薄者莫如兄弟其能無間於妻子貨財而終保恩義者聞見中蓋可指計而蜚與蛟齡殆庶幾焉及聞君之篤於同氣乃知其平生不務爲傑特乃所以不疚於庸行而二子之友恭

抑君之徵也是於法宜銘君諱一倫祖諱尚衡順  
治壬辰進士工部虞衡司郎中父諱懋績縣學生  
暨君皆以雍正元年

贈翰林院庶吉士母鄭氏妻鄭氏並

贈孺人君卒於康熙乙未九月朔後六日年六十  
有二鄭孺人卒於康熙戊辰十月望後四日時君  
年甫壯獨居者凡三十年子二人女一人適士族  
孫男六人以某年月日合葬於東鄉上林冲之原

銘曰

望溪集

墓誌

卷

學顯於邦人行儀其後昆我奠茲銘久而不湮



雷氏先墓碑

雷生鉉道其上祖兄弟八人葬同邱請表墓口述再四而繼以書曰先生非親懿久故不爲表誌蓋懼行迹之虛構而無徵也而吾上祖之事則不待有徵而信雷氏自陝西遷豫章一世祖甫自豫章遷寧化甫生詳爲唐進士而卒於昭宗之世有子八人生相愛約葬同邱塚以次平列墓碑巋然子孫世承祀無所容其僞僻在閩徼少文獻世久迹泮故他行無聞焉而生當五代干戈之際無一出

望溪集

外碑

一百

而仕者又兄弟八人之宰相去或數年或一二十年子孫共守遺命而莫之違則其修於身而型於家者可見矣在昔先兄百川有言人之生也受於天而有五性附於身而有五倫人於五性。或蔽於一。則四者必皆有虧焉。人於五倫。能篤於一。則其他必皆不遠於禮。鉉所云不獨可徵其上祖之行。而所以推原祖德者。又可與先兄之言相發也。余兄弟三人。弟椒塗早夭。而兄復中道棄。余臨終命三人必同邱。不得以婦附族。姻士友嘖嘖焉。雖子

姓不能無疑也。其後聞寧都魏禧兄弟嘗行此而  
今復得雷氏上祖事用此知是乃篤於兄弟者之  
恒情。雖異於俗而非有過於義也。昔唐陽城兄弟  
懼友衰於妻子而終身不娶。此於禮爲非而先儒  
皆存而不論。蓋以行必稽其所做俗之衰能爲城  
兄弟之行者亦罕矣。無慮其或滋之敝也。况自周  
以前本無婦必附夫之禮。而曷以兄弟同邱爲怪  
詫哉。乃約鉉言而具詳其義類爲表以歸之。俾雷  
氏後裔務敦睦以率祖而亦以解吾子姓之疑焉。

望溪集

外碑

一百

八人長伯秦次立次駟次强次郡次御次邵次均  
皆以名繫伯其墓在寧化縣之下沙村雍正十年  
冬江東方苞撰

尹元孚墓誌銘

齏吾李塏剛主嘗言北方少俊不肯自混於俗者  
博野有尹元孚余心識之而無因緣會合乾隆二  
年春元孚自淮南入覲再過吾廬終未得面以  
聖天子大孝實行三年之喪余時領

武英殿修書事請於二親王就直廬持服時未再  
期余不出元孚無公事不得入也五年春自河南  
入爲副都御史始得相見方是時元孚通籍已十  
餘年顯功名於襄漢兩淮開府河南海內賢士大  
望溪集 墓誌

夫計數大府中人物指再三屈則必及焉而元孚  
深愧不能有所樹立以負

天子特達之知蓋少孤貧太夫人口授論語卽知  
孔子之言不可違悖旣長篤信程朱之書謂治法  
不本於三代皆苟道故自服官日取漢唐以來代  
不數見之人以自律故自視若粥粥無能者一旦  
入長御史爲耳目之司竊幸得自展布而太夫人  
老疾不能就養京師未數月卽以終養告歸居五  
年太夫人考終服未闋

天子預虛小司空職以待之及赴  
闕未踰旬

特命視學江南十二年秋泄金陵八月望前六日  
諸生旣入棘闈質明操几席杖屨徒步造清涼山  
下潭亭余尚未起童奴白有客徑入不知其爲大  
人也及相見北面再拜曰曩在京師母命依門墻  
先生固執不宜使衆駭遽今里居無嫌且身未及  
門心爲弟子久矣蒙授喪服或問吾母之終寢處  
食飲言語得無大悖成身之德豈有旣平時余治  
望溪集 墓誌  
儀禮因以相屬欲共成一書作而曰生未暇及此  
也往者巡撫河南會凶饑未遑教治居臺四涉月  
而聞母病今使事畢歸厠九卿陪奉庭議非忘身  
忘家不足以答主知若不能自樹立徒附先生經  
學以垂名抑微矣必衰老或以不職罷歸然後可  
卒先生之業越日又獨身前來從者一人余畏邦  
人疑詭乃掃墓繁昌入九華山以避之而私心竊  
幸吾  
君○求○賢○若○渴○又○得○一○支○柱○名○教○之○人○也○未○幾○有

旨復掌江南學政逾歲七月按試至松江遘瘧疾卒於官前是月特晉少宰人皆曰

上之信用益切矣嗚呼惜哉元孚始以吏部郎中出守襄陽漢水暴上壞護城石堤修建萬山至長門近十里分植巡功民忘其勞已調揚州適荊州都統西征取道漢江飭造浮橋吏民惶急乃揭誠修禮卒改令以船濟凡利害切民未有聞而不諮知而不行者所屬皆羣聚而禱祠焉其治揚州亦然就遷鹽運使尋擢巡鹽御史晉中丞積弊一清望溪集

墓誌

一百四

導商民以節儉而身先之及開府河南歸諸郡大水上章自劾列賑恤之宜

天子一切報可約法十六條兼用北宋富公弼趙公抃救災事宜而令離鄉求食者有司隨在廩給開以作業俟改歲東作資送還鄉則古法所未備也以是災民無一出河南境內者元孚性淳白坦易遇事必行其心之所安少時授經祁州語生徒假館於張氏以奉母凡七年不忍一日離也其居官每夕必以所措施詳告太夫人意或未愜則跪

而請罪不命之起不敢起官中祿賜出入壹稟於  
母非請命妻子不得取尺布緇金日用之外多布  
之治所爲揚州兩營河南撫標置舉本各二千金  
日凡卒伍必使衣食得自適乃可以法繩完城濬  
河建橋梁設津渡修學校立書院創蜡祠表前賢  
舊蹟賜高年布帛寒者衣之疾者藥之故民皆感  
興政教信從其在鄉則族人皆授以田使自耕以  
食而執其契立義倉義學拯危濟困不可勝紀用  
此仁聲義聞播流海內顧公用方久任督府再舉  
望溪集 墓誌  
以自代高公東軒以宗程朱志相得總督畿輔嘗  
以公事過博野登堂拜母孝德上聞乾隆八年冬  
十有一月

天子特賜太夫人

御製詩及楹聯天下傳爲美談最其生平以與衆  
人絜度則行旣成名旣立功業亦有所表見矣而  
每爲余言其胸中所蘊蓄尚未見其端倪此余所  
以心孤氣結涉月踰時而不能自克也其人觀初

命巡撫廣東

陛見陳母老不能遠行故有河南之命禦災捍患  
日不暇給尚於其隙布周官道樹之法編甲戶以  
詰盜命州縣皆分四鄉立社學簡有德行者爲社  
長朔月月半書其孝弟敬敏任恤者與其放逸奇  
衰爲患於鄉里者有司巡問觀察因事而勸懲之  
行之數月罷民竦惕禮俗烝變而尋內事以  
召始入臺卽奏人主一言天下屬耳目焉今方甄  
別年老不勝任之員而知饒州府事張鍾又以年  
老命改部司旬日閒前後頓殊恐羣下無所法守

望溪集

墓誌

一頁

上嘉納之其在河南嘗奏睢州湯文正公宜從祀  
孔廟視學三吳首謁東林道南祠舉舊典答諸生  
再拜凡試畢士旅見皆然頒小學以明程朱本意  
聞隱士是鏡廬墓三年親訪於舜山薦舉以礪士  
行旣遘疾自知不起草遺疏言任賢納諫始終一  
意以立誠爲本旬日中無一語及家事卒之日晨  
興盥漱扶杖至東齋郡守入見子嘉銓侍尚爲辨  
人心道心汗出霑衣請解衣少偃息不可扶翊入  
寢移時危坐而逝時年五十有八所述君鑑臣鑑

士鑑女鑑增定洛學編北學編已鈔版居憂讀禮  
作從宜錄侍養五年讀三禮筆記及與師友論學  
語藏於家嘉銓承父學欲繼其志事水漿不入於  
口者三日朝夕米飲不過一溢淮南商致五千金曰  
大人生不取一錢今以此賻堅拒之曰受一錢何  
以對大人之靈聞者莫不感動以爲君子有子元  
孚名會一雍正癸卯進士先世山西洪洞人遷保  
定至曾祖諱先知始爲儒祖諱澤皆邑庠生父諱

公彌早世並

望溪集

墓誌

一

贈河南巡撫母李氏庠生諱宗白女

旌節孝累

封太夫人祖妣某氏曾祖妣某氏

贈夫人妻蘇氏處士昂女以馳

贈未受巡撫時

封而前巡鹽用御史中丞所加級

封一品夫人子二人長嘉銓雍正乙卯科舉人次

永銓早殤次啓銓承蔭女二人以某年月日葬於

某鄉某原銘曰



以人視子所受於天實厚且全而子自視則終其身而缺然子志方盛道若可達而不假以年有子象賢尚無恨於幽埏

虛實詳畧參差斷續用左傳四大戰宋之盟義法而大氣包絡隨處機相灌輸惟史記平準封禪二書具此規軸歐王誌傳中無有也學者當詳辨之 雷鉉識

或問作哲曰一人之事而分三番叙述古有是體乎應之曰凡法之變由義而生史記五帝本

望溪集

墓誌

紀於舜事次序已畢又總其始終以綴於篇末孝文帝紀亦然孟荀列傳先列商吳孫田爲時君所尚而孟子獨承仲尼之意述唐虞三代之德是以所如不合次叙三騶子重於齊顯於燕趙與仲尼阨於陳蔡孟子困於齊梁異又叙淳于髡慎到田駢接子亦以著書游說見尊寵惟荀卿近正而亦爲時所棄又別叙公孫龍至吁子之屬而以孟子孔子終焉至貨殖傳則於貨出之地殖貨之人通貨之地託業之方各分三

四番叙列學者於左史義法未嘗一一研究不  
可以爲叙事之文 單作哲識

望溪集

墓誌

一覓



四以爲敘事之文

四番叙列學者於左史義法未嘗一一研究不

沈孝子墓誌銘

沈編修淑請假歸踰年以書來曰先大父誌銘先生前則諾矣卜十月上旬兆從敢請又曰淑逮事尚幼事跡不敢妄述所據旌孝錄乃鄉里之公言也按孝子之行尤著者鼎革時負母而行於野遇盜奪其糈母固不與盜怒將殺之泣而求代並舍之隣爰火延母寢母疾方劇不可以變孝子號痛呼天風反火息母八十餘疾危篤醫者皆曰法不可治割股以進弗瘳夢神緋衣告曰疾非五藥所

望溪集

墓誌

一百一

治醫凌某在雙林速致之凌至以針達之脫然愈余嘗怪書傳所記以孝感鬼神而得異徵者大抵皆獨行之士而聖賢則無之蓋聖賢之學至於知命而不惑雖事父母亦盡其心與力之當然而止耳。獨行之士悲憂感發若焦若熬常欲殉以身命故精氣之積而鬼神爲之通理或然也余生平非所識不見於文惟節與孝則無分於聞見然人之情務崇其親而不度於義則事有傳會增加而非其實者矣故必得其所徵始傳信焉古之能以學

行自振者其先世必有潛德隱行淑年少氣銳乃能不篤於聲利而以養母治經爲事其志固與衆人異矣淑之終有立也吾於孝子之行信之孝子之行之非虛構也吾卽於淑徵之孝子諱育年九十有四卒於康熙四十九年先世居浙之茗溪十世祖秀明初以平吳功授侍駕親軍都指揮使特進榮祿大夫子永卿承嗣五傳至授嘉靖中爲江南常熟縣福山營遊擊卒於官遂家焉子繁繁生坊坊生文瀧配周氏子二人孝子其長也娶吳氏望溪集

墓誌

一頁

子六人錫裕庠生錫祚康熙己酉舉人錫祉錫某並太學生錫祐歲貢生錫禧早卒女二人俱適士族淑錫某出也以雍正五年葬於先兆慶安阡側

銘曰

歷艱危終坦夷母及身皆耄期名廣揚後蕃昌所受於天茲乃得其正而常

廣文陳君墓誌銘

君姓陳氏諱鶴齡字鳴九直隸安州人父諱泚從容城孫徵君講學河漳義俠著州部君旣冠亦好陽明氏及其鄉鹿忠節公論學之書而踐行之父歿故舊巧奪其產弗與爭高陽李相國嘗延至京師一日念母謝歸設教於家塾從者數十人每秋冬生徒夜誦燈火相聯聲滿里巷母歿以鄉舉次選正定縣教諭設條約教諸生孝弟力田治經史暇則習射屬府三十二城之士多聞風而至君精

望溪集

誌銘

三

制舉業其爲教雖以力行爲宗而常因文術以誘進之凡經君指畫輒籍于庠序升京兆禮部者接踵故士爭湊焉其在正定嘗奉檄視蕭家營水災在事者陰授意以未成災報不爲奪太守命督隆平寧晉諸邑民捕蝗歸報曰民不畏蝗捕蝗令屢下官屢至則苗盡矣一時士民咸載其言余聞古之學術道者將以得身也陽明氏爲世詬病久矣然北方之學者如忠節徵君皆以陽明氏爲宗其立身旣各有本末而一時從之遊者多重質行立

名義當官則守節不阿如君又私淑焉而有立者  
也用此觀之學者苟能以陽明氏之說治其身雖  
程朱復起必引而進之以爲吾徒若嚙嚙焉按節  
程朱之言而不反諸身程朱其與之乎然則尙君  
之行者蓋不必以其學爲疑也忠節之後人多與  
余往還故余習知君之爲人君歿踰年次子惠華  
奉冢子惠榮命來請銘固辭不獲乃述而志焉君  
康熙甲子舉人官止順天府武學教授以雍正四  
年六月卒於京邸年六十有五母某氏世儒家妻

望溪集

誌銘

一五

鹿氏忠節公其曾大父也子三惠榮康熙壬辰進  
士黔西州知州惠華雍正甲辰一甲進士翰林院  
修撰季惠正雍正甲辰舉人女三皆適士人以某  
年月日葬於某鄉某原銘曰

聞之尊行無愧教之行學亦顯惟用不施後昆之  
遺

程贈君墓誌銘

君諱增字維高徽州府歙縣人也程氏自晉梁爲歙名族譜牒具存衣冠甚盛至明中葉河南道御史材以名節顯而御史之子孫爲清門御史當武宗時劾劉瑾不法奏留中巡按浙江卒於官瑾誣以九庫賊追論合家徙海南瑾敗始歸鄉里子二人曰默曰然先後以禮經舉乙科君爲默五世孫君父自歛遷淮之漣邑歸展墓遭疾厲君方與二弟從師受書聞之冒惡風渡江舟幾覆相去千五百里六日夜而至而父已歿未逾月母唐孺人疾作遄歸不及含歛自是遂絕意進取漣地窪下母柩在堂水驟漲倉卒號呼與僕一人升柩于木案旣而下之非多人莫能勝旣營兆域合葬於休寧之蓀田山乃移家山陽使二弟學儒而身懋遷家遂饒父族四母族三死而無歸者畢葬焉餘皆定其居使有常業設義田義學以養踈族人而聚教之鄉人叩門告請未嘗有難色或急難以千金脫之後更相背造怨騰謗窮而自解則待之如初由

是名著江淮間康熙

淮黃汜溢數百里

內民皆露處提上君出家財修邗溝兩岸險工十里總督河道張公鵬翮以聞康熙四十四年

聖祖仁皇帝南巡閱芒稻河

召見

御書旌勞二字以賜先是于清端公總制兩江時微服潛行察疑獄求民隱奸人因造言散布以傾怨家或因之失入屬吏雖灼知而不敢言君進見直陳其弊且指目擊一二事爲微公悚然曰微子望溪集誌銘言吾安知人心抗敵至此君以布衣得近

五

天顏者三長子釜爲浙江糧道攝布政使每以公事道淮揚覲省夾道聚觀人皆以是爲美談詎知君之忱直不欺言人所不能言而不爲威惕如此君嘗因吾友吳東巘見余于河干野寺樸質如老諸生厥後東巘總其門生所爲文隱其名俾余甲乙所取二篇皆君叔子釜作也東巘乃詳述君之生平而使釜從學於金陵及余以南山集牽連赴詔獄親故蕩恐不敢通問惟釜以計借入獄視余



卽此可徵義方之教而御史之風規所漸摩者遠矣君旣卒三十有一年余告歸峯始以君詩請序格韻甚老余夙有戒不能爲生破也又五年卜宅始定葬有期來乞銘嗚呼君才足以立事而不求任詩足以達情而不以爲名其用心爲不苟矣是宜銘君父諱朝聘祖諱必忠皆

卒於康熙四十九年十月 年 十 以 峯

誥封工部虞衡清吏司主事以峯

誥贈 大夫兵部郎中元配唐氏

望溪集 銘

贈恭人繼室童氏

封恭人蓋唐恭人出次振箕候選知州次峯次鍾

庠生並童恭人出孫三人長揚宗次春浩次

以乾隆十一年五月 葬君於歙縣之某鄉某

原二恭人祔銘曰

義正大府乃夙昔之惇誠聞正言而不怒惟聽者之賢明使君而謀仕安能詭隨屈諂以自毀其操行

通議大夫江南布政使陳公墓誌銘

公姓陳氏先世浙江秀水人明永樂初遷安州五世祖始爲儒官遂世其業祖若父皆舉乙科教授鄉邑連州比郡秀傑之士多從遊公成童補博士弟子巽然出儕輩甫弱冠卽佐父爲諸弟師學使者課試歷其曹者必公兄弟也而公自視缺然陰與博野尹元孚思古處務檢身制事之學壬辰登進士年二十四座師爲趙公松五徐公蝶園皆器公榜下卽克

望溪集

墓誌

原七

武英殿纂修時滄洲陳公掌殿中修書事常語余後進有守有爲者以公爲首故公諾余一見如舊識初授湖北枝江令隣省大府卽思得公守巖州劇郡旣典郡卽思得公爲監司故論薦者如爭其以黔西州服闋引見

世宗憲皇帝卽命赴貴陽以牧守補用其守大定以江西巡撫薦遂命補道府皆前此所罕見也公任官二十餘年皆在西南而勲績尤著於滇黔其爲政急民之病如其私而務以殖其衣食爲本始

令枝江修百里洲隄除解餉入川雜派攝饒九道  
剷去潯陽大孤兩關錮弊辨誣獄出無辜者七人  
未數月經畧張公以貴州按察使保奏方是時羣  
苗交煽軍旅四出古州姑盧朱洪文諸叛案以爲  
非公莫定也公至出入重輕咸稱其情衆心始安  
逾年春攝布政使黔地多山租少穀土兵餉半移  
調於隣省民尤貧瘠公奏給工木築壩堰引山泉  
以治水田導以含洩涉揚之法貴筑貴陽開州威  
寧餘慶施秉間不數年報墾升科者三萬六千餘

望溪集

墓誌

一百八

畝課種桑募蠶師教蠶出署內所登繭於女興寺  
纒絲織作使艷其利開野蠶山塲百餘所比戶機  
杼聲相聞又以其閒大修城郭廟壇學舍廣置栖  
流所以收行旅之疾病者益囚食方冬寒恤老疾  
養孤之無衣者親課諸生開以立志爲己之學立  
義學二十四於苗疆蓋惟公志廣而才足以達之  
故於艱難倥偬中庶政並興而曲得其次序也其  
尤爲遠近所傳述者公始至貴陽委署威寧府踰  
年威寧改州大定改府會烏蒙土司謀叛東川鎮

雄附之威寧爲夷獫出入要綰地仍命公馳赴威  
寧督州牧完守公至城西陴頽舉步可踰乃聚民  
閒米桶實土石層累丈餘然後比次甃築墉堞屹  
然羣夷縱火牛街鎮去城三十餘里火光燭天公  
言笑自如日夜爲守戰計賊不敢逼會哈元生兵  
至賊敗時鄂少保總制滇黔公其所舉任也常以  
此自喜知人之明張經畧引公自助亦職此之由  
而余與尹元孚平生重公則在志行之不苟方威  
寧危急公慮賊兵趨大理屬州牧陳嘉會分守大

望溪集

墓誌

夏九

理執其手曰吾死於此分也但遺老母憂賈志窮  
泉矣及公陳臬於黔苗疆初定方興屯以蹙扼之  
將吏多欲以刻急見其能謂此異類勦絕不足惜  
也丁巳正月望省城大火公入見張經畧曰天意  
如此當設誠修省雖羣苗亦人類也張公大爲感  
動以申戒承事者公之一於義理而不雜以世情  
如此昔滄州政績惟著於郡縣與攝江蘇方伯時  
及踐大府河決武陟以死勤事而功不成海內惜  
之公之才識與滄州相近而遭遇亦畧同自爲三

司。天。下。皆。望。爲。大。府。近。十。年。矣。大。府。多。舉。以。自。代。  
而。竟。終。於。此。然。滄。州。攝。監。司。日。淺。又。不。若。公。之。久。  
於。其。任。而。實。德。及。人。良。法。垂。於。後。世。然。則。在。公。亦。  
可。以。無。恨。矣。公。自。黔。調。移。安。徽。未。一。年。會。徐。鳳。水。  
災。民。流。於。金。陵。地。非。公。治。也。而。竭。俸。賜。編。棚。苫。蓋。  
布。席。以。栖。災。黎。重。建。陽。明。書。院。以。實。學。開。羣。士。其。  
卒。也。官。吏。士。民。皆。爲。嗚。咽。生。平。孝。親。友。弟。睦。嫻。任。  
恤。仁。於。故。舊。僚。友。不。可。備。書。書。其。志。事。之。卓。卓。者。  
公。諱。德。榮。字。廷。彥。號。密。山。康。熙。辛。卯。科。舉。人。

望溪集

墓誌

一百一

誥授通議大夫生於康熙二十八年正月十六日  
卒於乾隆十二年八月二十七日年五十有九曾  
祖諱所聞歲貢生祖諱泐順治庚子舉人父諱鶴  
齡康熙甲子舉人以公及仲弟德華累

贈通奉大夫曾祖妣潘氏姜氏張氏祖妣王氏吳  
氏妣鹿氏並

贈夫人娶辛氏浙江分水縣令禹奕女

誥封淑人子四人長策乾隆丙辰進士江南宜興  
縣知縣次筠雍正乙卯舉人候補內閣中書次筌

乾隆甲子舉人皆辛夫人出次籓側室黃氏出女  
四人孫四人以某年月日葬於某鄉某原銘曰  
古○賢○之○生○各○有○志○事○雖○遇○於○時○難○滿○其○器○與○其○遇  
隆○而○施○則○匱○孰○若○中○閔○用○有○未○致○公○如○金○玉○韞○則  
有○輝○爭○先○欲○觀○衆○心○所○希○蹇○然○當○官○藹○然○近○人○兩  
膏○濡○被○物○象○皆○新○事○至○立○剖○光○融○如○煜○表○裏○洞○然  
蠹○祛○奸○伏○中○經○畏○塗○進○退○維○谷○國○爾○忘○身○如○行○平  
陸○誰○謂○文○儒○絀○於○武○守○持○危○濟○變○左○宜○右○有○信○道  
不○移○行○身○無○倚○諤○諤○危○言○以○報○知○已○獲○上○以○誠○師  
望溪集 墓誌

葛君墓誌銘

江都顧友于兩歲四通書於余皆以葛氏誌銘爲言丁酉七月余在塞上同里胡襲參復自京師以友于之書并葛氏子弘文之狀來且曰子之師書宣先生蓋受弘文之贄因與友于有連而某亦嘗定交焉其乞銘辭甚哀且所狀皆近事實可知矣願子勿却也據狀君諱士巽字大生揚之邵隸人少學書少長慨然曰吾見爲士者不遇則羸其躬以及其親幸而第浮客遠宦長離親側非吾志也

望溪集

墓誌

五

因棄書行賈淮南吳楚閒果大贏承親之志姊妹諸甥無不資給也兄早卒撫其子猶子兄之子又卒愛其子有加於孫君家旣饒因大治塋墓經田疇建廬舍而求名師以課諸子甚嚴曰吾廢學以養吾親今吾無仰於若若甘食美衣而不幅以學且生邪心其所狀大略若此實其言亦近於古者問胥族師所書孝弟敬敏者矣予平生非親懿故舊未嘗一與之銘蓋銘者諡誄之遺也古者非貴而有功德不爲誄而諡則雖君父不敢有私焉今





劉篤甫墓誌銘

君姓劉氏諱德培字篤甫河南商邱人也劉氏世有聞人君之父諱伯愚以學行顯君既沒之明年其子韋來省其從父上元邑侯某而介侯以乞銘於余韋之言曰吾父事親以孝而與朋友以誠其處身也儉以勤其嗜學也老而不衰少孤所以事吾王母者細大無違先王父之遺文得復出於患難兵火之後者吾父好學求友之力也自鄰州比郡以及齊魯吳越有道而文之士無不交也於書

望溪集

墓誌

四書

無不好尤篤於詩騷鷄初鳴起漱盥端坐誦吟至日夕不倦數十年如一日也故吾父之終也里中士友皆驚悼以爲典型之失焉田君箕山者中州之賢者也其序君之詩曰篤甫之詩至性之所結也自吾與篤甫交而半生爲梁園之遊夷險悲愉無不共也夫道之不明久矣士非有瑰怪非常之行則不爲世俗所稱道而不知是皆緣所遇之變以生自君子觀之則循循於父母兄弟朋友之間而久不失道者其難倍於偶然之所發也吾聞明

之衰也士大夫雖行過乎中或不能盡出於中心之誠然而無不知氣節之可貴者當江右吳中以文章角立爲社而君之父亦起於北方以應之雅爲艾南英楊廷樞諸公所推其後明亡艾楊諸公致命以成其仁而君之父亦捍鄉里之患以死蓋其一時因教化而成習尚者如此然則君之近文章而重氣類其來有自也君卒於康熙壬午十月二十日以癸未十一月朔葬於某鄉某原娶侯氏子三人長韋拔貢生次韞太學生次韓邑庠生女子三皆適士人子銘曰

前爲良子後壽考行比於鄉學信友事則未施道可久

望溪集

墓誌

龔君墓誌銘

君諱聲振字以成先世江西進賢人遷金陵余里居友其世父孝水至京師與其父于路遊君總角余過孝水見之門塾中其後余行四方孝水容大名而于路官京師不見君者十餘年矣余遭患吾母北上載輿以從爲關吏所扼置天津踰歲而吾母疾大劇輿不可致計其費當三十千南昌彭尹作曰于路使粵西其子在是吾爲子語之其半可任也越日君具以來事遂集旣而聞之乃貸於金陵賈人也余多年不見君叩曰猶務學乎曰未廢也曰曾試於有司乎曰爲是北來其不遇奈何曰已舉於京兆矣其貌慤而辭質不異在門塾時余閱世久見齒與余若者其設心及容貌辭氣已不若長老之篤而後於余者則少異焉又其後則又異焉每以爲非世教之細憂君稚齒而聞父之友之急無難辭其將之也無德色少而得舉無寬容其性資有大過人者而竟天死嗚呼是豈獨龔氏之感耶君卒於金陵家人秘之余與于路屢見而

不敢言訃既至乃唁而爲誌以歸焉君卒於康熙  
丁酉某月某日年二十有三以某月某日葬於某  
鄉某原銘曰  
胡混叢衆萬而獨秉其英芒乎芴乎遽返乎幽昏  
吾求之播物者而不得其情

望溪集

墓誌

宣

余君墓誌銘

君諱兆鼎字季重世爲歙西巖鎮人父及伯兄行  
賈母遭厲疾伸出求醫藥君獨在側疾中言動異  
常人不敢近或叩曰爾懼乎對曰病者吾母也何  
懼弱冠後爲人賈宣城每三歲一歸省一口心動  
遽馳歸則母卧疾已三日頃時伯客金陵後二日  
不期而至叩之其心動就道之日同也其後伯病  
於金陵君馳視求醫於揚州跪泣於其庭三日始  
肯偕然終不能療也少廢書讀大學未半行賈後  
望溪集 墓誌  
益好書日疏古人格言善事而躬行之其在宣城  
有畢某負百金所居與君夾河一日託賈事迎至  
其家將夕命其女靚粧出拜曰君旅居願以女奉  
箕帚償宿負君奪戶而出則河無舟其人尾而至  
喻以理且要言所負終不收乃感泣具舟以渡明  
末鄉里阻饑君十歲與羣兒樵蘇山中籬間有果  
爭取啗獨君不給視有子華瑞以文學知名與予  
爲執友康熙丁酉來京師館余家述其事以乞銘  
距君之卒十有三年矣蓋徽俗葬地難購而華端

貧故久而不能舉也君卒於康熙乙酉享年七十  
有三娶汪氏繼娶方氏子二長華瑞次關瑞早卒  
以某年月日葬於某鄉某原銘曰  
嗟、嗟、乎、君、抱、儒、之、質、以、美、其、身、獨、留、其、文、以、遺、後、  
之、人、

望溪集

墓誌

百字九



八

不... 以... 之... 費... 其... 後... 留... 其... 文... 以... 遺... 後... 之... 人...

不... 以... 之... 費... 其... 後... 留... 其... 文... 以... 遺... 後... 之... 人...

不... 以... 之... 費... 其... 後... 留... 其... 文... 以... 遺... 後... 之... 人...

不... 以... 之... 費... 其... 後... 留... 其... 文... 以... 遺... 後... 之... 人...

尹太夫人李氏墓誌銘

太夫人姓李氏博野儒生諱宗白季女也少時聞  
父夜讀書卽能暗誦年十九歸贈公七年而蔭子  
會一經書皆太夫人人口授自贈公之沒逮會一未  
遇家窶艱舅姑老父母衰疾無子養生送死不惟  
心瘁力殫資用半手所拮据自會一出守襄陽至  
開府河南所以忠國利民濟艱銷萌拯凶饑正禮  
俗不惟朝夕訓誨且多出於太夫人之規畫會一  
之守襄陽也三攝荊州九赴鄂城每遇水旱太夫

望溪集

墓誌

墓

人必跪烈日甚雨中家衆恐致疾羅跪挽掖終不  
起常應時而得所求雍正九年荊州都統將兵西  
征命造浮橋吏民惶急太夫人曰凡人必曲致其  
情而後可以理喻會一從之乃次第以舟渡時又  
調綠旗兵馬會集襄陽供具夙辦軍憲而民不擾  
未幾移守揚州襄陽樊城宜城並建賢母祠不可  
抑止乾隆四年開歸諸郡大水會一懇陳民瘼流  
民所至命有司隨地廩給而籍之踰歲資送還鄉  
無一流亡於他省者民皆曰豈獨大府之明太夫

人爲吾民廢寢與餐大府安得不竭心與力乎始會一入覲已

命攝廣東巡撫以母老不能赴任辭遂改河南及自河南內

召授副都御史未數月聞太夫人疾乞終養得俞旨皆數十年中大臣所未有也八年春

特賜太夫人

御製五言律詩一章堂額一楹聯一時爭傳謂前古邀此異數者亦罕云會一雖洗手奉職而自遷

望溪集

墓誌

墓

兩淮鹽運司晉巡鹽御史秩賜皆豐太夫人節儉治家嚴子婦非請命銖金尺帛不得專取並蓄以待大用其在官中救水火之災給師旅立營倉置舉本以恤卒伍建禮祠修橋梁津渡施濟窮民見治所德政碑家居睦婣任恤分田贍族立義倉義學以及道路倉卒拯救急難具載會一所編年譜余前已入聞見錄賢母類中而太夫人卒會一復以狀介余族子觀承請銘余苦辭之難更設也既而思之古稱女士謂女子而有士行也不爲一身



之謀而有天下之慮。今之士實抱此志者幾人哉。而太夫人則志與事皆有焉。故更撫前錄所未及而敘論之。俾吾儕有所愧恥而興起焉。太夫人雖通文史而不爲詩辭。其在廣陵憫民俗怙侈縱逸。由近暨多商作女訓。質言十二章以勸懲之。每閱邸報至

聖制惇大必三拜稽首以慶。羣下有讜論評謨亦再拜稽首偉哉。淵乎其宅心也。用此觀之則所見於行事抑又其淺焉者矣。始贈公没將卜於祖兆

望溪集

墓誌

墓

族人隘之太夫人泣然曰宅東有田孤嫠便祭掃遂定寔是爲東章新阡越五十有一年而太夫人耐焉。贈公諱公弼卒於康熙三十二年六月朔日年三十有七乾隆二年

誥贈資政大夫河南巡撫太夫人卒於乾隆九年七月朔後一日享年七十有八

誥封夫人。祔以十一月十一日。孫男三人長嘉銓。雍正乙卯舉人。次永銓。殤。次啓銓。承蔭女孫二人。

銘曰

古之貞婦守節閨房夫人義事實播家邦古之賢  
母義方是帥夫人德心曲成民物克已裕人恩周  
六親穰災弭患誠動鬼神

九重褒嘉萬衆稱美福德之全在古無比天寶光  
啓以昭女儀豈惟女儀志士之師

望溪集

墓誌

三

大司寇韓城張公繼室王夫人墓誌銘

夫人姓王氏宛平人大司寇韓城先生繼室中允兼翰林院編修縉之母也夫人之卒苞以門生卽事喪所讀先生所述夫人之行盡然增哀敬先是夫人遭疾類痺痿及先生得末疾夫人舍其疾而惟先生之疾是憂遂浸加至不可療苞居先生之門最久而親族姻黨道夫人之賢如一口蓋不獨家事治其輔成先生之德義有爲行述所未及者夫人旣卒數月而先生病不能興苞每往視疾未嘗不傷先生之衰困而不獲夫人相左右也及先生歸田逾歲而疾漸平視聽不衰喜過余望而又痛夫人不獲與先生偕老而從容於林泉也丙午秋縉以書來徵銘乃質言而係以辭夫人卒於雍正元年正月享年六十有二長子縉元配李夫人出與縉同登癸巳甲科女一適士人孫四長祇公早殤次民先嗣縉次立先次因先俱縉子於某年月日葬於某鄉某原銘曰

起家編展惟福之綏作嬪賢達惟德之宜生有令

聞女婦所儀沒有遺施君子所憐年逾六甲子姓  
茲茲兆云孔安庶無顧思

望溪集

墓誌



工部尚書熊公繼室李淑人墓誌銘

淑人江西南昌人明兵部侍郎元鼎之女

清故禮部尚書諱振裕之妹工部尚書熊公諱一  
瀟之妻翰林院編修本之母也母朱氏號遠山夫  
人以詩名淑人幼稟母教好讀書識大義而不事  
吟詠其繼室於熊熊公已貳夏官矣尋遷大司空  
會淮黃間議有興作奉

命徃視既行數日或因戚屬以重貲叩門曰中途

既與公成言囑家人驗受淑人曰此詐也速持去

望溪集

墓誌

墓

少延當執送法司蓋公素方嚴中立不可脅持故  
操事構門戶者欲假是以相傾也其後公卒以視  
河罷官久之

聖祖仁皇帝具見其表裏復召用公再長冬官以  
疾告休時人皆多公能勇退而意之決半由淑人  
余與本爲同年友公歸流寓金陵特重余余時過  
從淑人使人進飲必會余寒進食必會余饑余遘  
難在獄踰年本自天津再至京師候於獄門外曰

子母憂

天子仁聖子之罪及遠投而止耳吾母已罄衣裘  
使持而來爲子道齋矣用此觀之凡本所稱淑人  
以大義佐公及幼事父母治家教子曲得其次序  
皆無溢美可知矣淑人之沒也本適游秦中而淑  
人留京師余嘗拜於北堂旣彌留入視於寢迫公  
事未得與殯斂越十有一年本自金陵以書來速  
銘曰葬有日矣嗚呼余忍不銘淑人卒於康熙壬  
寅年七月望後三日享年六十有三長子大彬及  
女四人皆前淑人魏氏出淑人視之不異於本大

望溪集

墓誌

墓

彬子學熹學烈本子學鵬皆登甲乙科公及魏淑  
人先葬異壟各有誌淑人以雍正某年某月某日  
葬於某鄉某原銘曰

淑人之生顯光尊遂乃遇則榮而躬實瘁少罹閔  
凶心摧考妣歸妹愆期年踰再紀翼翼熊公共恪  
表著淑人櫛紼雞鳴戒曙公在林泉士友時式淑  
人治具夜分莫息每視公疾無昏與晨巾帶不弛  
涉月兼旬旣艾而痿且屯且適有子早達方陟而  
顛惟是仁賢履艱益著茲銘不磨終古有譽

謝母王孺人墓誌銘

康熙五十七年夏四月余將行塞上妹夫謝天寵聞其生母王孺人之喪泣而言必得誌銘乃歸孺人之歸謝氏也年十有八其卒也六十有一而爲養者三十有六年始新津縣令謝君仁趾聘孺人爲側室踰年而嫡死遂攝內事自孺人始歸新津君已邁心疾惑易無常孺人與生三子一女皆在憂懼中自新津君沒家益落諸子皆窶孺人有弟客死於非命積軫鬱癰發於乳醫者求索不稱望溪集 墓誌

指揮使者孺人卒於二月十日以某月某日耐於  
新津君之兆在江寧縣某鄉某原銘曰  
命之傳節以亨載此貞名尚何憫於其生

望溪集

墓誌

夏九



少司農呂公繼室王夫人墓誌銘

呂氏自明大司馬忠節公家法爲中州士大夫宗而奕世多賢婦人少司農坦菴公未與余相見卽因吾友崑繩通問以索交及余與宗華同會試榜光祿好余尤篤由是兩支子弟往來京師鮮不過從而意相鄉者乾隆二年春岳池令憲曾以母王夫人狀因宗華以求銘夫人司農繼室也始歸憲會將冠而宣曾生五齡新喪其母女子子五人未逾旬而司農之官寧鄉夫人居守撫慰勤恤男女

望溪集

墓誌

四

長幼咸安焉其後憲會再喪偶遺子女數人夫人鞠育一如宣曾及諸女弟而兩女早出室者皆寡外孫窮無依爲紀衣食月要旬致延及支庶夫人隨司農仕宦數十年諸子皆通籍而夫人所出守會尤早達顯榮烏奕乃世所謂難逢而可羨者然其拮据勞瘁視貧家婦有甚焉守曾爲宣化太守憲曾令岳池每戒之曰汝父常語家人居官而求便於身則不便於民者多矣又曰吾私親兄弟各食力無憂寒饑毋以我故餽遺惟妹適陳氏者及

憲曾舅氏甚窶艱勤周卹可也買婢而還其家不  
責以值者凡三人其一大父爲諸生立遣之父母  
不受曰還則孳矣乃善養視歲熟而歸之嗚呼信  
如憲曾所述古之所謂婦順者其備乎詢於宗華  
曰是吾先人家法世母敬帥而行之者也惟始至  
吾家曲糶隱愍有人情所尤難者狀蓋未之能具  
焉嗚呼若是則銘其可辭王氏河南新安人父養  
林鄉里稱長者母牛氏夫人其仲女也司農爲僉  
都御史

望溪集

墓誌

墓

誥封恭人

今上御極覃恩自齒朝以上均得以父職官所極  
品階請封遂晉夫人以乾隆元年正月疾卒享年  
五十有五長子憲曾前夫人徐氏出康熙戊子舉  
人次宣曾王氏出康熙甲午舉人次守曾雍正癸  
卯舉人甲辰進士授四川驛鹽道按察司副使以  
夫人疾革未赴任孫男八人以某年月日葬於某  
鄉某原銘曰

女教之明嫡媵恩隆同氣之愛下型於所生及俗

之傾繼室有涼德而父子兄弟咸不得其情有頌  
夫人秉德之貞盡室和寧有孚以光亨及而雲仍  
家則是承

周公制禮寓關雎麟趾之意於喪服嫡媵間前  
儒無發其覆者銘詞盡之

受業官獻室

望溪集

卷七

百四十一

光祿卿呂公宜人王氏墓誌銘

宜人姓王氏孟津王文安公諱鐸之孫太常寺少卿諱無咎之女明大司馬忠節公之孫婦監察御史贈僉都御史諱兆琳之子婦光祿卿諱謙恒之妻承曾光曾耀曾之母也年十五歸於呂幼稟母教通詩禮其爲婦宗婦之長者皆羨焉其爲母宗婦之少者皆師焉與光祿相愛敬以成厥家族姻鄉黨有述焉余爲耀曾同年友而光祿信余最篤以文學禮義相正嘗語余曰吾生平無媵侍或疑

望溪集

墓誌

望溪

吾妻不能容非也家事治子孫成行吾自謂可無此耳宜人與光祿生同年卒後一歲爲夫婦者六十有一年逮事舅姑並越二紀子三人伯仲舉乙科耀曾歷官四川按察使所至獲民譽孫曾繩繩耳目髮齒至耄不衰卒之日言動如平時以余所聞見婦人之德與福兼茂與宜人匹者宜人生於順治十年六月卒於雍正七年十月余旣誌光祿矣故子姓戚屬不具銘曰

曰豫曰豐民生所善布列六位憂虞過半有碩宜

人得天獨贏美合令終爲咸爲恒族姓素貴夫家  
世隆所儀則賢盡室融融上學舅姑下儀子婦有  
孫有曾康強壽考在生疇榮考終相次憺此幽宮  
永蔭世嗣

望溪集

墓誌

四四

趙孺人翟氏墓誌銘

孺人姓翟氏涇縣趙贈君濬之繼室御史青藜之母也少歸贈君順於姑宜其家人家素封執婦事如寒素其後中落處之泰然前孺人左氏子一女三孺人子女各二數十年無間言姑既歿迎姑之女兄於家忠養入而不怠贈君歿盡蓄藏以付長子預俾秉家政預爲縣令浙東青藜入翰林迎養於京師乾隆八年夏孺人思歸少子希文侍五月朔日於潞河登舟是月晦前二日遘微疾卒於德

望溪集

墓誌

四

州舟次青藜悔痛再以書請銘述孺人勤家教子語甚詳兼及贈君義事余按銘者誅之遺也非於德於功於言有立或有奇節義烈無以舉其辭據狀孺人乃履順而持家有法度者贈君則富而好行其德於法尙未可以銘然及吾門者有所祈嚮而可信其操行之終不迷青藜其一焉古之人善善及其子孫况父母乎故援斯義而爲之銘使青藜知成親之名在自敬其身而後此所宜自奮厲者甚重且遠也贈君貢生候選訓導預邑庠生以

薦舉知浙江餘姚嘉興二縣青藜壬子中順天鄉  
試丙辰舉進士第一授翰林院編修改江西道御  
史著直聲希文丙辰中本省鄉試女五人皆適士  
族孫八人翟氏邑舊族孺人生於康熙二十三年  
卒年五十有九以某年月日耐於贈君之兆在某  
鄉某原銘曰  
爲婦爲母可富可貧以睦以嫺內和外親貴而思  
約老而益勤德言諄諄孫曾永循

望溪集

墓誌

墓誌

王彥孝妻金氏墓碣

徽郡在羣山中土利不足以贍其人故好賈而輕去其鄉自通都大邑以及山陬海聚凡便賈之地卽家焉其俗男子受室後尊者卽督令行賈無贏折皆不得速歸久者數十年近亦踰紀用此居必聚族而嚴閨門之禮故婦人以節著者比戶多有之蓋禮俗之所漸然也金氏爲休寧王彥孝妻生子宜民六月而寡會

國初天下猶未靖而休歙閒土賊假以攻剽金氏

望溪集

墓碣

五

集兄公彥忠叔彥節謀曰吾三門惟孺子存聞淮揚已定先人舊業在焉伯居守叔衛我抵江都一綫可延也從之宜民少長卽教以賈曰汝毋慕爲儒彥節死命宜民歸葬彥忠死亦然兩人終以無子而其鄉鄰居者多爲賊所殘皆曰微節婦王氏不祀矣夫擇地權時以定其身家男子所不易也而金氏以婦人任之且決計於干戈擾攘之間動乎險中而得亨貞豈獨其志節足爲女子之準的哉節婦自始寡卽不茹葷飯蔬羹菜凡五十年卒



年七十有二以某年月日祔於彥孝之兆某鄉某  
原後二十年其孫宗華儒而治方客京師請銘於  
余始碣其墓之阡銘曰

兒呱呱莽伏戎嫠也惓走斃斃旣定遷延宗祔終  
首邱辟兆從

望溪集

墓碣

二頁

王孺人墓誌銘

康熙五十八年冬吾友朱君履安嬰疾沉痾動息不自由余心憂之而竊幸其有良妻余里居時過履安食飲盤匭杯斝必潔修而家無女奴今履安疾雖困孺人左右焉必能自苦以適履安踰歲而履安以書來曰吾妻死矣吾憫其生之勤也欲丐子文以殉幽墟且子在難吾妻能與吾同憂其垂死時吾謂必得此於子矣昔辛卯之冬余以南山集牽連被逮下江寧縣獄同學二三君子朝夕會

望溪集

墓誌

頁九

履安所履安或以事出諸君子頻去來孺人必先爲具以時候問無使渴饑方是時大府命吏迹與余往來者甚嚴一日縣令以他事入履安門巷或告曰履安亦相隨入獄矣孺人驚悸成疾久而不瘳今其死猶緣故疾動也嗚呼余以昏愚不能自敬戒以卽於罪戾而累於朋友一至此乎非孺人旣死而履安自言之余不知也履安徵銘之書一歲六七至旣而曰速爲之及吾之見也余心隱焉夜不能寐晨起而志之孺人姓王氏江寧縣人享

年五十有  
子三人女二人以某年月日葬於某  
鄉某原銘曰

長子老身苦辛以有年疾則莫養而死獨先命乎  
命乎永賈志於窮泉

望溪集

墓誌

百五

許昌禎妻吳氏墓誌銘

康熙辛卯九月歙縣許起昆持其母行狀因吾友吳君東巖來乞銘東巖於其母爲族子而狀卽東巖所作也余旣許諾踰月而被逮又二年出獄東巖適在京師復以爲言余曰吾非敢負諾責也恐爲僂人其言不足以列幽墟曰子淺之乎視許生也因復以狀來諦觀之辭達而事信余無以易焉因撫其語而係以銘狀曰爲人婦而以衰絰終其世者惟吾族姑許節母節母幼時父客死輿櫬歸

望溪集

墓誌

墓

衣哀泣血哀動族黨年十六歸同邑許昌禎入門姑寢疾已六月餘矣厥明卽解粧侍湯藥動息扶將姑將瞑泣曰吾生不與若久處吾魂魄猶相依居姑喪與祖姑卧起祥禪畢踰歲生男未彌月夫驟病强起在視足弱常匍匐戶榻閒夫不起卽絕食飲祖姑泣納兒懷中久之乃乳兒居無何祖姑卒依繼姑繼姑又卒其生而忠養死喪以禮一視姑節母疊遭閔凶及繼姑死益自傷嘔血寢疾數歲而卒年四十有三其歸許近三十年爲發凡二

十三年而服苴菅及羣喪不下二十年艱貞苦  
恨自節母而外蓋未之見也卒之後家人啟篋笥  
嫁時衣物如新蓋終其身未御云起昆爲邑諸生  
以文藝稱於時儕行身謹飭東巖云皆節母之教  
也以某年月日奉母柩合葬父墓某鄉某原銘曰  
熒熒三世嫠仔肩病姑呻吟兒孳孳死之不得生  
憂纏天以百罹裸貞賢蛻此短晷何恨焉

望溪集

墓誌

墓

曼驚天以百罹裸貞賢蛻此短晷何恨焉  
熒熒三世嫠仔肩病姑呻吟兒孳孳死之不得生  
憂纏天以百罹裸貞賢蛻此短晷何恨焉  
以文藝稱於時儕行身謹飭東巖云皆節母之教  
也以某年月日奉母柩合葬父墓某鄉某原銘曰  
熒熒三世嫠仔肩病姑呻吟兒孳孳死之不得生  
憂纏天以百罹裸貞賢蛻此短晷何恨焉  
以文藝稱於時儕行身謹飭東巖云皆節母之教  
也以某年月日奉母柩合葬父墓某鄉某原銘曰  
熒熒三世嫠仔肩病姑呻吟兒孳孳死之不得生  
憂纏天以百罹裸貞賢蛻此短晷何恨焉

